

十朝东华录

乾隆朝

第五函

函七册



乾隆十五年庚午春正月丙午諭國家欽恤民命德洽好生至於饑寒竟獨尤所矜憫是以定有獨子留養之例凡屬情輕俱已盡恩減等情之愚民無知往往輕身鬪狠不知留養為格外施仁或轉恃此為倖免之路以致罹於法網因於案情稍重或理曲尋釁金刃重傷雖經督撫聲請仍以原罪定擬不准留養固屬該犯罪所應得但聲請之案不過尋常關毆等類斷不致入於情實徒使淹禁罔固不得待養而窮老孤嫗無所倚賴深為軫軋朕思此等罪犯本非有謀故重情為常放所不原既經定擬本罪拘繫逾時已足馴其桀驁之氣慮量為末減俾得自新上年秋審此等案犯經九卿定擬矜減者止有一起餘仍監候著該部查明各犯祖父母父母見存果無次丁侍養俱以可矜減等請旨發落嗣後獨子犯罪未盡寬減者該督撫於秋審朝審冊內聲明九卿覆覈時照此辦理以昭軫恤無告之意著為例○免直隸山西河南浙江未完耗羨銀兩免江蘇安徽山東耗羨十分之六○丁未上奉

皇太后至 定太妃宮祝九旬壽○諭張廷玉大學士員缺會降旨俟伊南還日開列今張廷玉既不知朕恩大學士缺不應久待總督張允隨係 皇考時簡擢封疆久經委任資格已深向來亦有由總督入閣者著即補授大學士雲貴總督員缺著碩色調補

兩廣總督員缺著陳大受補授吏部尚書員缺著梁詩正補授其協辦大學士亦即著梁詩正協辦兵部尚書員缺著李元亮補授○定領侍衛內大臣班次在協辦大學士前○戊申起董邦達為內閣學士開內閣○辛亥命王公等年節列儀仗乘轎上朝常朝

俱乘馬滿洲文職大臣非年及六旬不准乘轎○壬子準噶爾台吉策旺多爾濟那木扎勒遣使臣尼瑪等謝准增貿易人數恩並賈方物○癸丑調莊有恭為戶部侍郎以孫嘉淦為兵部侍郎○命崔紀以右副都御史銜提督江蘇學政調李渭為山東布政使

以德舒為安徽布政使由大興○甲寅命奉天州縣缺出選用旗員○准甯古塔流民入籍○丙辰賜大學士忠勇公傅恆照宗室公等例用對引馬○戊午賜準噶爾台吉策旺多爾濟那木扎勒敕書曰據台吉奏肅州貿易之人蒙恩加增百名感戴陳謝殊屬

敬順朕甚嘉之至奏稱所有唐古特喇嘛已多亡故懇每次差數十人往唐古特一博克達四大廟黃教各廟請安等語爾使臣尼瑪等亦經口奏及此朕為天下至可行之事斷無不允行不可行者雖懇求亦不許昨爾奏來肅州貿易人少不足照看朕即照所

請准加百名從前爾父噶爾丹策零奏請為爾祖策旺阿喇卜坦差人三百名往西藏熬茶朕特加恩派大臣官兵照看並賞沿途牲畜路費至藏完成此事續又據爾奏請為爾父噶爾丹策零差人三百名熬茶朕亦准爾照前辦理似此應行大事朕一一俯從

若非此等事則斷不准行從前降旨甚明今爾又奏請每年差二三十人在唐古特地方行走是以斷不可行之事來奏也爾意以

已准爾等往藏熬茶兩次未必再准前往是以妄生冀倖殊不知果有前此大事朕原未嘗禁止往藏今無故每年令二三十人並往不惟事有不可即照爾所請日後又必言人少請多增人數矣將每年必派官兵照看爾往來之人可乎況從前往藏熬茶時藏內郡王珠爾默特那木扎勒會奏請停止進噶爾人往藏朕若准爾所請則珠爾默特那木扎勒所奏豈竟置之不問乎爾等即不

用朕官兵照看以己力將往藏地珠爾默特那木扎勒亦安肯容納乎但今爾地有自藏延請喇嘛大半亡故誠恐黃教日熾朕方欲廣演黃教豈肯令爾地之教日就漸滅今爲爾詳度朕中國大廟有名呼圖克圖藏內挑取有德行喇嘛及各處有學業喇嘛皆任持其中爾等將喇嘛內聰穎者挑取十名或二十名送至京師在大廟勤學三四年令其回去即可助行黃教但此學經喇嘛須擇年少之人學成時可以行教三四十自後不得每年差來必俟人數將完方准再行挑送學習此特恐爾處黃教漸廢是以多方爲爾籌畫非必欲爾處喇嘛赴京也爾若不願送喇嘛來學即可中止如復以差人至藏爲請則斷不許爾惟當感戴朕恩永圖承受勿妄生他念勉之○辛酉諭軍機大臣等據駐藏辦理事務副都統銜紀山奏王珠爾默特那木扎勒呈稱伊父頗羅鼐在時聘定青海親王旺淑克長女今額爾克錫喇奏稱從前許聘之時並未指定某女彼遊牧處見無協辦事務之人意欲留伊長女將伊次女嫁與蒙大皇帝特命臣等勿傷和氣善全此事謹遵恩旨停止迎娶旺淑克長女即咨明迎娶伊之次女等語從前朕因不知此情會諭珠爾默特那木扎勒今備陳許聘緣由遵奉朕旨停止迎娶旺淑克長女願娶次女甚屬誠敬由此觀之珠爾默特那木扎勒尙知畏懼是以朕命班第以大理曉諭額爾克錫喇應將長女嫁與珠爾默特那木扎勒之子則珠爾默特那木扎勒必感朕恩一槩不疑於事甚屬有益今珠爾默特那木扎勒又稱伊兄珠爾默特策布登舉兵七百直取錫可爾城漸侵至藏如此時不急息事就延日久珠爾默特策布登未免投赴進噶爾汝等速行咨寄噶爾拉布敦令其親身抵藏曉諭珠爾默特那木扎勒諭以汝弟尼始初不睦大皇帝亦鑒知矣今汝兄珠爾默特策布登雖統兵七百向藏進發然道路險峻知汝各路備兵焉敢來侵如其畏罪急迫往奔進噶爾則藏內不能靖矣且於爾父子兄弟名分亦殊未善是以皇上憐汝父之忠誠念汝等原係弟兄特命和爾兄弟王可遣使會同滿員令汝兄遵旨速行進藏伊如知感朕恩即釋其罪與委員一同進藏將與汝不睦因而稱兵之故善自曲陳亦即不究止期和爾兄弟藏內永遠安靖以全汝父始終勤勞之名如此和其兄弟使之息事則省力多矣如或珠爾默特策布登竟負朕恩執迷不悟顯係背飯何可姑容汝等自應飭令珠爾默特那木扎勒作速勦滅勿致逃奔進噶爾方爲妥協此事朕本欲差尙書納延泰前往辦理但納延泰須數月方到且珠爾默特那木扎勒聞有欽差未免生疑是以寄諭汝等即如朕訓辦理具奏朕聞珠爾默特策布登之子見在藏內汝等亦加意衛護勿致傷害以絕伊父歸誠之志此旨並未傳諭紀山如傳諭紀山珠爾默特那木扎勒亦必知之知則未免又生疑慮於事轉覺無益汝等速行盡力妥辦毋忽○壬戌命工部侍郎劉綸單機處行走○甲子山東巡撫華奏請修建行宮嚴飭之○戊辰以鶴年爲內閣學士○己巳命正月上辛在立春前改次辛祈穀載入祀典○命張允隨爲東閣大學士兼禮部尙書○辛未諭拉布敦見在奉差工部辦事需員著勒爾森兼管工部侍郎事務○癸酉諭車駕巡幸毋得遽乘墳墓○大學士公傅恆等奏審明噶對案內擬流之羅於朝王世泰並貽誤軍機之李質粹宋宗璋及板橋草松結等各依舊定擬得旨李質粹宋宗璋辦理噶對案內貽誤軍機原係上年情實候句之犯後聞噶對一案慶復信任王世

秦羅於朝聽江結之言有革松結之罪令與俄木丁往來交結因而故縱班滾捏稱焚死此事惟彼五人密定外人不得而知有此言陳奏者果爾則慶復設有成局而李質粹宋宗璋爲所欺陷陷於不知自與同謀縱寇有開朕懷重人命該犯等苟有一錢可寬不憚再三詳審是以暫行監禁提解王世泰羅於朝來京嚴行究實務得實情今經軍機大臣會同刑部審明王世泰羅於朝與革松結誘致俄木丁投獻如郎並無通同與謀縱放班滾情事而李質粹親在泥日寨初報班滾焚焚未確後即附和慶復扶同捏飾宋宗璋辦理善後亦不將實在情形具奏各有本罪明白昭著在慶復初意以欽差大臣將至急圖先得如郎因用革松結誘致俄木丁投獻如郎空寨以爲己功追班滾既逃無從擒賊乃燒毀泥日寨以焚斃奏報不復窮搜一味欺蒙了局此事在諸臣人人無不知情實乃通同捏飾罪不容誅若辦理之初慶復即專與王世泰羅於朝一二將弁革松結俄木丁一二匪徒設成謀縱放班滾雖在至愚當不出此慶復已賜自盡罪無可加而李質粹以提督大員領兵專閫縱失渠魁不能弋獲且明知班滾未死一經慶復嚴駁遂附和改詳朋謀罔上宋宗璋身任總兵職應奏事既知班滾未死並不將實情入告及汪結稟知班滾下落又不竭力搜擒致令賊潛遁逃種種欺飾俱屬法無可貸著照九卿嚴定情實應斬本罪即行正法革松結本係叛番彼時即應處決今本案無可對質亦著即照原擬絞罪正法王世泰羅於朝不過營伍偏裨聽提督差委既非統領之員亦無奏事之責情稍可原但擬減流寬爲漏網今經軍機大臣等改提著依擬應斬監候軍旅爲國家要務賞罰勸懲所繫至重必徹底根究研鞫實在情形區別明允方成信獄今既慶復確訊所當明正典刑以申軍律俾共知儆戒將此曉諭各督撫提鎮等知之○介福緣事降調以鄂彌達爲吏部左侍郎

原任廣總督

二月乙亥 上奉 皇太后巡幸五臺山啓鑒○諭官員及內侍隨從人等踐踏田禾罪坐家主○免經過地方本年額賦十分之三

○丁丑禁四川兵役侵擾番地○已卯諭軍機大臣等拉布敦策楞岳鍾琪奏稱接准紀山札稱珠爾默特策布登已於上年十二月身故見在與該郡王商酌料理善後事宜等語摺內所稱珠爾默特策布登之是否因病身故前此之果否稱兵俱在可疑可信之間紀山不免爲其所愚所論誠是至稱阿里克地方緊要請將珠爾默特策布登二子內准以一人承襲其職之處則所見於事勢未協夫以珠爾默特那木扎勒之乖張暴戾伊兄在日尙與稱兵構釁不能相容以致陷兄於死今伊兄已死無所顧忌又有於其兄之子即使令其承襲伊又何甘令其晏然撫有故土是徒多生一枝節而於事毫無實濟也且理無兩是珠爾默特那木扎勒之告稱伊兄稱兵搶奪已有不遵王法之形身後自有當得之罪伊子豈可復令承襲如謂珠爾默特那木扎勒誣陷其兄則又當明正其罪非命將用兵大爲辦理不可於二者之中權其輕重則珠爾默特策布登既經身故其果否病死無從致詰而珠爾默特那木扎勒乖張暴戾將來亦未必長久若因此勞師動眾實仍費有用於無益之地有所不必雖明知爲彼所愚亦不妨姑且從權置之不問至慮珠爾默特那木扎勒以素所親信管阿里克地方歸併其權以增羽翼自不得不爲此慮但彼處頭人尙多傳

清拉布敦或就其中稍爲選擇合不致到彼滋生事端足矣珠爾默特那木扎勒既無與相敵之人伊亦無可搆毀或從此安靜亦未可定若伊終久有背叛之志則亦止可俟其形迹已露再爲料理不必張皇債事先啓彼疑然伊若果露形迹則傳清拉布敦一人在彼又不可坐失事機致誤大事可詳悉傳諭傳清拉布敦令其因事就事詳慎辦理固不可忽略亦不可豫設成見過爲計慮自朕觀之目今辦理之道實無別計也並諭策楞岳鍾琪知之○庚辰諭馬靈阿原係署理侍郎看來不勝侍郎之任著補授詹事其禮部侍郎員缺著介福補授○諭軍機大臣等今日頒發諭旨後紀山奏摺隨到珠爾默特那木扎勒請將伊兄遺屍付伊辦理並願撫養珠爾默特策布登之子紀山一一爲之代奏自朕觀之珠爾默特策布登以無疾之人與兵赴藏忽焉而死適當其時看此情節其爲可疑自不待言而紀山始終受其愚弄深信不疑與之水乳相合殊失大體國家因西藏地處僻遠特命大臣駐紮其地所冀得其情僞控制由我今乃爲所籠絡豈委任駐防本意耶但事既如此姑且佯爲不知如其所奏已詳悉另降清字諭旨著鈔錄寄與傳清拉布敦閱看此正前諭所謂從權辦理者相去遙遠虛實難明因事就事實亦不得不然傳清拉布敦到彼諸事留心務將始末情節一一據實具奏又據紀山奏稱被兵之處見在查明奏請賞恤珠爾默特那木扎勒之爲此奏不過見伊兄之被害番民所以甚其罪耳其當賞恤不當賞恤尙在兩可之間著傳清拉布敦查察酌量如果被擄累量爲賑恤儻屬虛言則不必一一徇其所請總之珠爾默特那木扎勒狡詐巨測實非善類加以紀山辦理不善珠爾默特那木扎勒因而生心今事屬已往目前暫爲肅息至將來作何光景原亦無從逆料惟諭傳清拉布敦當同心密商妥協不可輕發唇疑亦不可坐失機會前因有珠爾默特策布登之事紀山偏向珠爾默特那木扎勒未可倚任是以令傳清前往又令拉布敦到彼且暫同駐年餘另候諭旨召令還京將清漢諭旨一併鈔寄策楞岳鍾琪令其知悉○丙戌 上奉 皇太后駐蹕五臺山○己丑 上奉 皇太后回鑾○定邊左副將軍尚倫額駙蒙古喀爾喀扎薩克和碩超勇親王策凌卒遺疏聞諭額駙策凌以名藩尙王班崇懿戚在 皇祖時卽已宣力邊陲勤猷懋著 皇考咨注優隆胥爵親王任事閭外身先血戰殄靖狡寇偉績丕昭益勤忠盡朕以王 兩朝勲舊倚毗彌殷寄重長城倍加渥澤前聞遺疾適命賜藥選醫令伊子馳驛侍奉復遣侍衛前往存問方期漸就痊可忽聞溘逝深爲震悼特用加恩賜銀一萬兩治喪命員勒羅卜藏侍衛德山往奠茶酒允伊子所請扶柩來京合窆固倫公主園寢到京之日朕親臨奠醴一應齊集典禮俱照宗室親王典禮行考驗建碑俱如儀式自昔功臣勳戚脩食 廟廷以王之功宜得配享 太廟雖蒙古親藩從未有與配享者朕以王功在王室名勒旂常簡在久孚宜膺特典且合眾蒙古知朕崇獎賢勞中外一體俾共知感奮益切勸勉並照和碩賢親王之例崇祀賢良祠永垂祇祀以示朕酬庸展親優賢篤舊至意○諭軍機大臣等前因參贊大臣穆克登額等奏請額駙策凌患病朕特令額駙之子車布登扎布與蘇巴什禮帶領太醫馳驛前往朕意額駙偶然抱恙當卽痊可後穆克登額等又奏額駙病重朕卽特遣乾清門侍衛德山前往看視續又遣貝勒羅卜藏前去不意伊等未到而穆克登額等奏額駙已於二月初五日病

故額駙自 皇祖時至今始終竭誠宣力忠勤匪懈功在國家今聞溘逝朕心不勝憫悼世子成袞扎布又奏稱伊父遺言身故之後乞附葬公主園寢卽此一節身後尚不忘戀關其一生實心爲國可知著照所請卽令德山與成袞扎布一同護送進口並賞銀一萬兩辦理喪事俟到京之日朕親往奠酒所有應行卹典與在京親王一體加恩其左副將軍印務暫令貝勒羅卜藏署理○壬辰諭各省錢糧偏災緩帶不得列入民欠○癸巳諭軍機大臣等前因珠爾默特那木扎勒弟兄構釁會傳諭拉布敦令其於抵藏時將藏地添駐官兵之處與傳清公同詳酌如果於事有濟卽以己意告知珠爾默特那木扎勒以從前撤兵伊兄卽有此舉動今欲爲奏請添駐以助聲勢使之不疑朕思添駐官兵原爲地方有事藉以聯絡聲援今珠爾默特策布登已死藏地無事若更議派兵駐守多作張皇適足動其疑慮且議添兵丁不過數百設遇有事亦不足資彈壓旋撤旋設殊爲無益如拉布敦奉到前旨尚未告知珠爾默特那木扎勒則添兵之事竟可毋庸辦理如已經告知不便中止則仍遵前旨一面具摺陳奏朕自另降諭旨總之使地事端已息一切務須鎮靜熟思詳慎以靖地方將此傳諭知之○御史儲麟趾奏四川學政朱荃之母在籍病故伊弟王事朱履端在京聞訃呈報四月有餘朱荃仍在蜀星馳接試其爲匿喪顯然應請下部嚴議得旨該部嚴察議奏○乙未大學士禮部議覆和親王弘晝等奏 闕丘臺面奉旨仍九五之數量加展寬請遵 聖祖仁皇帝御製律呂正義所載古尺上成取九數用九丈二成取五數用十五丈三成仍取九數用十九丈既合九五天數而歷次亦可加展廣深陳設器物執事人員得以從容進退實屬適中等語謹按易大傳曰天數二十有五蓋一三五七九皆奇屬陽而五爲中數九爲老陽仍用九五之義展寬至爲精當今據奏以古尺計度上成取九數徑九丈二成取五數徑十五丈應如所奏惟三成徑十九丈雖奇數然非由九而生謂仍九數未盡脗合應將三成臺面取三七之數徑用古尺二十一丈則上成爲一九二成爲三五三成爲三七於天數一三五七九既全合計四十五丈於九五之義尤合又奏稱 壇面甄堦奉諭改用金甌以期經久考原制上成九重二成七重三成五重上成圍甄取陽數之極自一九起遞加環砌以至九九二成三成圍甄不拘今 壇面加廣上成仍照九九變砌計每金甌一塊應長三尺六寸八分下寬三尺五寸七分上寬一尺查金甌舊式不過二尺二寸若依展寬尺寸燒造維艱若增用塊數又於原制取義不符請改用直屬房山縣所產艾葉青石質性堅澤色應法象止須琢磨如式既得寬長隨宜復垂久遠等語查上成甄數自一九以至九九其義甚精至二成圍甄不拘未免參差應請倣上成取義亦用九重由八十一之數遞加環砌二成自九十至一百六十二三成自一百七十一至二百四十三於體制方爲整齊金甌旣難改用應如所奏採艾葉青石敬謹成造又奏稱 壇制每成四陸之外各用青色琉璃闌板圍繞上成每面用九二成每面十七取除十用七之義三成每面積五用二十五雖各成均爲陽數而合計三成總數並無取義今請用乾策二百一十有六之數依九數分配三成上成每面一九計三十六二成每面二九計七十二三成每面三九計一百零八合爲二百一十有六之數惟原用琉璃闌板每塊長一尺三寸有餘今分配之數每塊應長四尺五寸有奇亦難另爲燒造

並請改用艾葉青石等語伏思闌板扇數加多則尺寸自然減少應請合三闌板共用三百六十扇應周天度數上成每面十八扇四面計七十二扇二成每面二十七扇四面計一百八扇三成每面四十五扇四面計一百八十扇臣等逐項悉按古尺合算略為增減皆與九數相合謹繪圖列數請旨交承辦衙門敬謹遵照得旨是依議○辛丑大學士九卿議准御史王應綵奏前奉旨令內外大臣公舉經學之士伏思草茅下士皓首窮經人往而書始出歲久而學乃傳會不得與今日應選之士同選榮遇可為深惜請敕下內外大臣細加接訪上其遺書果能斟酌羣言闡明奧旨者量予旌獎其書藏諸祕府以為績學之勸庶令直省各衙門陸續採訪進呈從之○癸卯 上至四聖日閱永定河隄工

三月乙巳 上駐蹕南苑行圍○丙午諭大計軍政固三載考績之義以示激揚但文武大臣具疏自陳雖屬遵循成例而於實政未覺甚有裨益蓋中外大臣皆朕所簡用既經委任其居心之誠否才具之短長舉在洞鑒之內如其不能稱職早已隨時甄別其待至三年而計去者實缺非要在而人非大過介在可否之閒者至於大臣恪共職守正宜久任以收實效而屆期輒求斥退降旨令照舊供職拘成例而事繁文非崇實務本之道也至御前大臣領侍衛內大臣等或簡自勳戚或拔從宿衛其辦理各部卿長以及八旗職任俱量材器使非循資錄用者比且伊等多世沐國恩趨承左右論其情理亦不當引退就閒甘心暇逸而每至三年亦循例求罷是轉以疏遠自居其如君臣一體之義何即如來保自 皇祖時即已侍直內廷迄今五十餘年雖年登七耋而受恩如此其深且久則自陳請解退職任者義當然乎抑明知其於理有未安乎又何事此虛文為也前因宗室王公兼辦閣部等職者俱係宗潢近派特旨令不必自陳嗣後御前大臣領侍衛內大臣御前侍衛衛清門侍衛等兼理閣部及八旗事務者遇大計軍政俱著不必自陳餘仍照舊例行○諭大學士張允隨久任封疆簡擢政府勤慎素著河道總督高斌宣力河務年近七旬俱著加太子太保戶部尚書將傳侍直禁廷辦理部務恪勤供職直隸總督方觀承兩江總督黃廷桂節制宣勞才猷猷達俱著加太子少保以示優獎○再免薊州等十七州縣額賦十分之三○丁未敕建永定河 河神廟○己酉 上奉 皇太后還京師○辛亥 上親耕耤田○降德舒為山東按察使以高晉為安徽布政使

由山東按察使遷

○王子論漢軍人員選補州縣舊例迴避直隸地方乃選嫌避

○上奉 皇太后還京師○辛亥 上親耕耤田

○降德舒為山東按察使以高晉為安徽布政使

○王子論漢軍人員選補州縣舊例迴避直隸地方乃選嫌避

○上奉 皇太后還京師○辛亥 上親耕耤田

○降德舒為山東按察使以高晉為安徽布政使

○王子論漢軍人員選補州縣舊例迴避直隸地方乃選嫌避

勢之意邇來直隸州縣間有滿員補用者並未議及迴避揆其所由從前州縣原未補用滿員是以止定漢軍之例今既用滿員而未議及迴避自屬辦理疏漏朕思州縣親民之官五百里內旗莊地方鑣次接壤詞訟案件動相關涉自不便用滿員嗣後漢軍仍照舊迴避直隸其滿洲人員著迴避五百里以內所有見任人員著該部查明另行請旨其道府同知等官統轄之員雖非州縣可北但本員莊地有在所轄之內者亦屬未便著報明該督奏請調補盛京州縣今已舉用滿員其中有莊地在本境者亦著於部內呈明另行扣補著為例○甲寅 孝賢皇后二週年 上詣靜安莊致奠○乙卯諭大學士張廷玉前因朕念其年老許令致仕回籍仍准配享 太廟屢沛莫大之恩而伊並不感謝恩意不親至本廟知大學士九卿等所議治罪朕以耆舊老臣不忍加之罪

謹僅削去伯爵仍以大學士休致邇來詳加體察實乃能鍾肯憤力不能支當時開命之下精神短淺或心思實有不到而非出於恃恩疏節亦未可知且朕從前降旨乃使爲臣子者共曉然於事君之大義亦不爲張廷玉一人而發不然伊身已退矣朕之加恩保全已將畢乃生矣豈尚慮其敗官箴而妨政事而不爲之格外優容乎今中外臣工已具知大義之所在張廷玉輪閣舊臣宣力年久今日陛辭之際顧其衰老朕心尙爲憫惻所謂善欲長惡惡欲短茲仍特加異數以寵其行賜給御製詩篇手書二卷並御用冠服數珠如意諸物起程之日仍令散秩大臣領侍衛十員往送用示朕優老眷舊至意○丙辰諭鑾山著稱名萬壽山全海著稱名昆明湖應通行曉諭中外知之○丁巳禮部議准湖北巡撫唐綬奏旌表尋常守節年例相符之婦督撫學臣給局彙題刊碑載誌伏思督撫學臣給局彙獎似人臣得操表揚之柄且扁字參差不齊請照百歲老人例敕內閣擬字給局並載入會典遵行應通行八旗各直省一體遵辦從之尋 欽定清標彤管四字○戊午 皇長子永璜薨 上親臨賜奠○諭皇長子誕自青宮齒序居長且年逾弱冠誕毓皇孫今遭疾薨逝朕心深爲悲悼宜備成人之禮著追封親王一切喪儀該部詳察典禮具奏至彌留之際遷移外所以便殯殮雖屬內廷向例但當沈痾疾亟令其遠遷朕心實有所不忍况園亭不同大內著卽於皇子所居別室治喪其親王爵卽令皇長孫蘇德承襲朕近年屢遭哀悼之事於至情實不能已然仰維負荷之重侍奉 慈闈自當以禮節情且皇長子幼而質弱朕加恩顧復念其未能承受厚福原非端慧皇太子悼敏皇子望其可屬承祀者此雖父子至情實不能忍而輕重所繫朕豈不知明諭至此諸王大臣等可不必爲朕過慮矣尋追封和碩定親王說曰安○己未 上奉 皇太后至定親王殯前賜奠○諭內務府禮部等議皇長子和碩親王喪儀於第三日移殯靜安莊東園報朝三日等語定議之意想因皇長子別室近在御園之內不欲延留恐傷朕心其輟朝之期亦照親王定例但三日移殯爲日太速朕實有所不忍且齒序居長禮當從優著改於第五日發引殯既未移亦不忍遽易常服視事著輟朝素服五日○壬戌定親王移殯靜安莊 上親臨賜奠○癸亥履親王允禩子場 上幸履親王邸第慰安 定太妃○丙寅諭前經臣工條奏四五品京堂京察列爲一等者請帶領引見又有奏布按一司應入大計者俱未議准行朕思兩司承辦通省案件大小事務無不由其擬議詳報督撫自必隨時體察優者隨時揭薦稍不勝任必不姑容誤事何待大計之年方入舉劾議駁自屬允當至京官察典屆期三品以上堂官尙具本自陳部院司員亦俱令引見而四五品京堂則不在自陳之例考覈之後亦不行引見雖有吏部都察院填註考語之例不過按冊過堂虛文應事其中龍鍾庸劣者既得姑容卽才具優長精力壯盛堪供驅策者亦無由自見於培養人材激敘官方之道蓋兩失之嗣後京察年分吏部開列王大臣等職名請旨特派數人將四五品京堂秉公分別一二三等及應留應去具摺奏聞帶領引見以定黜陟庶優劣分而人知激勸於實政有裨其王大臣之是否秉公據實亦不能逃朕洞鑒卽於本年爲始著爲令○論據副都統銜紀山奏稱郡王珠爾默特那木扎勒請將伊子達爾扎策凌遣往阿里克地方駐守等語珠爾默特那木扎勒感念朕恩欲遣伊子達爾扎策凌防守要地所辦

甚是但達爾扎策凌見係閒散並無官職若往阿里克地方管轄兵丁不足以資彈壓達爾扎策凌著加恩作為札薩克頭等台吉
○己巳諭定安親王皇長子大故見諸大臣官員俱未薙髮或因皇子尚未分府之故此等事件向無定例眾意援過三七再行薙髮所見雖是但不遇祭祀三七薙髮尙可今既遇大祭恐於齋戒之意未協所有執事隨祭大臣官員均著於四月初一日薙髮其餘人等仍俟三七後可也○諭軍機大臣等據導大臣努三兆惠奏稱由杭州府渡江至紹興禹陵南鎮一路河道窄狹僅容一船經過石橋四十餘座須拆毀過半旱地安設營盤地氣甚屬潮溼等語朕初次南巡禹陵近在百餘里之內不躬親展奠無以申崇仰先聖之素志嚮導及地方官拘泥而不知權宜辦理之道鑒總以水道不容巨艦旱地難立營盤為慮若如所議拆橋數十座即使於回鑾之後一一官為修理其費甚鉅且不免重勞民力豈朕省方觀民本意耶朕在宮中及由高梁橋至全海常御小船寬不過數尺長不過丈餘平橋皆可徑度最為便捷越中河路既窄日開乘用俱當駕駛小船石橋既不必拆毀其原擬安立營盤二處必係淺岸稍寬可以停泊之地即於此處造大船一隻專備晚間住宿更不必於旱地安營既避潮溼且免隨侍人眾踐踏春花之患其駐宿大船惟取堅完既不藉以涉大川破巨浪一應帆檣篙棹亦不必齊全所費不過造船工價二三千金過後物料尙可變用較之拆橋進艇多費周章者相去遠矣著詳悉傳諭該督撫等令其遵照指示妥協辦理○辛未禮部議奏定遵左副將軍和碩超勇親王策凌奉旨脩食太廟入祀賢良祠製造龕位應於太廟東廡怡賢親王之次安設賢良祠應於怡賢親王左次另龕從之○是月廣西巡撫舒輅奏安南匪徒朝曉前附莫匪與安南構釁後莫匪敗逃朝曉斂迹今復出為患飭沿邊營弁加意嚴防報聞

夏四月丁丑命繪壇廟祭器圖式○己卯以明春巡幸江浙命各截留漕糧十萬石備糴○乙酉富德以罷輟無為革職以馬靈阿為左副都御史○丙戌諭本年朕四十壽辰各省文武大臣不必奏請來京祝嘏○戊子諭軍機大臣等河道總督高郵回奏部駁臨黃臨運兩壩情形一摺部議以黃高清下勢難倒注高斌則稱黃河水面高於運河五尺設遇大汛運河水面加長七八尺至丈餘黃河偶未加長或雖長而較小於運則清水之下者轉高下游中河難以容受即可啓放二壩引漕入黃等語夫黃河水面高於運河五尺非獨水面高乃其河底高也黃運河底既高下相懸即使運河盛漲非橫決旁衝卽下流漫溢成災何能使之轉而就高此理易曉非祕輪難明之事而高斌仍復如此執奏不過迴護前言此摺朕已批令原議之大臣議奏今思事既不若該部立議駁詰徒多往返終無了局若含混定議將謂河務中至淺近之理竟不諳知亦非政體是以特行傳諭令其知悉以全顧面此摺不必交議一併諭令知之○論據湖廣總督永興奏報原任四川學政朱奎起程同籍伊家人稟報在重慶府聞計丁憂二月初一日起成都交印初十日起程回籍三月初九日行至巴東縣地方灣泊夜起失足落水拉救不及打撈未獲等語此等情甚可疑朱奎若非潛蹤滅迹卽係投江自盡必非失足落水伊自上年七月丁憂歲餘封印之時尙趨緊聞考其有意匿喪情節顯然

經御史參奏該部見在行查宋荃歲倫傷化其心迹已不可問明係間計之後棄未報出連考數郡賄賣生童以飽行囊一聞被參之信知無可掩因託詞落水希圖了事伊家人戚屬從行者甚多豈有泊舟之後棄夜復起竟無一人知覺而聽其失足落水之理其隱匿實情通同捏報不問可知况家人不行護救又不及打撈已有應得之罪此外別有謀害等事俱未可知伊家屬前行此時應已抵家著傳諭永貴令其即提宋荃隨從家人嚴行審訊務得實情即速具奏並諭四川總督張之洞湖廣總督李鴻章巡撫唐紹儀知之○己丑諭今日侍郎管太常寺事伍齡安因額駙超勇襄親王策凌配享太廟位次開單條列具奏朕已另降諭旨辦理因詳閱配享諸臣名單其中如費英東額亦都諸臣皆佐命元勳汗馬百戰功在旂常是以侑享大盂俎豆勿替即大學士鄂爾泰已覺過優於此益見張廷玉之不當配享而其配享實為逾分在鄂爾泰尚有開闢苗疆平定烏蒙及經略邊陲諸勞績若張廷玉在皇考時僅以繕寫諭旨為職此嫻於文墨者所優為自朕御極十五年來伊則不過旅進旅退毫無建白毫無贊襄朕之姑容不過因其歷任有年如鼎彝古器陳設座右而已夫在昇平日久固無櫛風沐雨躬冒矢石之事可以自見然亦必德業猷為有功社稷方足當之無愧張廷玉曾有是乎上年朕許伊休致回籍伊即請面見奏稱恐身後不獲蒙配享之典要朕一言為券朕以皇考遺詔已定伊又無大過何忍反汗故從其請並賜詩為券夫其所以汲汲如此者直由於信朕不及即此居心已不可以對天地鬼神尚可冒膺侑食之大典乎其謝恩不至經廷臣議處朕仍復加恩寬宥原職並仍准其配享是在伊又當何等感愧乃仍覲然以老臣自居並不知感且於陛辭之日賜賚優渥並合於起身時仍派大臣侍衛往送伊遂心滿意急思旋里適皇長子定安親王之喪甫過初祭即奏請南還試思伊曾侍朕講讀又曾為定安親王師傅在大臣年老或患疾不能任事如徐本任蘭枝楊汝毅等何嘗不其其回籍若張廷玉則不獨任以股肱亦且寄以心膂九非諸臣可比朕從前不即令其回籍者實朕之以肺腑心胥視之逾於常格之恩而伊轉以此快快及至計其原官致仕計其配享則此外更無可希冀無可留戀惟以歸田為得計矣前於養心殿召對奏稱太廟配享一節臣即赴湯蹈火亦所甘心夫以一己之事則甘於赴蹈而君父之深恩厚誼則一切置之不顧有是情理乎使皇考仍在御見張廷玉今日之行為亦將收回成命則朕今日不得不明頒諭旨以勵臣節張廷玉非但得罪於朕抑且得罪於皇考在天之靈矣且朕賜詩所謂可例青田原脩廟漫愁鄭國竟摧碑云者劉基在明原係從龍之佐有帷幄之功而當時配享尚不免營議今張廷玉自問果較劉基何若乎至魏徵仆碑事在身後今張廷玉見在更不待身後始有定論朕前加恩降旨仍准其配享臺垣諸臣即應力陳其不當濫廁元勳之列而乃噤無一語御史中非無人即有所觀望耳配享一節天下自有公論張廷玉亦當有自知之明今及其未至身後正可折中定論朕豈肯為唐太宗所為耶著將此旨並配享諸臣名單令其閱看自加忖量能否與本朝配享諸臣比肩並列應配享不應配享自行具摺回奏到日令大學士九卿等定議具奏尋奏臣以庸陋之材竊祿多年毫無建白不自度量妄思配享蒙皇上訓示如夢方覺既無開疆汗馬之功復無經國贊襄之益年衰識蒼微

咎日滋伏乞罷臣配享並治臣罪得旨大學士九卿議奏○庚寅琉球國護送遭風福建商船回籍優資之○壬辰諭阿桂前因隨往軍營以招搖致獲重譴經部議治罪監禁朕特加恩寬宥令伊父阿克敦約束教導阿桂從前獲罪原因倚恃上司尙非身犯賊私者比伊尙在司員中辦事猶知黽勉且阿克敦僅此一子今再行加恩著仍在吏部員外郎上效力行走俟有缺出題補○甲午超勇襄親王額駙策凌極至清河上親臨賜奠○乙未大學士等議奏致仕大學士張廷玉應請停罷配享仍革去大學士職銜以爲大臣負恩者戒得旨張廷玉配享太廟一節朕之本意並無欲令其停罷之見二三年前大學士史貽直曾於面見時議及配享大典張廷玉不當濫邀朕知伊二人素不相協且漢人中有配享大臣亦足爲臣工之勸是以未經允行及上年許令張廷玉休致伊卽奏請面見汲汲以配享爲請求一言爲券朕卽允其請及其謝恩不至經大學士九卿議停其配享朕以皇考成命早頒仍曲示保全未允廷議在張廷玉卽不知朕心信朕不及而朕之始終加恩不欲停罷配享初未嘗有絲毫成見已可共白矣乃張廷玉受千載難遇之恩而毫不知感威然自居老臣朕西巡時伊隨眾送駕乃加恩免罪後初次面朕也伊亦未嘗卽首道參且毫無惶悚激切之意仍在皇城內與舊吏同列海子接駕亦然皆是皆衆人所共見者及陸辭之日朕仍賜令召見意以伊以老臣去國自必有嘉謨議論規益朕躬合於臨別贈言之義而無一語及於國家政事古人居江湖而憂廊廟者固如是乎且奏稱去冬謝恩不至曾令伊子將緣由告知奏事太監未爲轉奏近日奏事太監有敢以大臣陳奏之言壅蔽遺漏而不爲轉奏者乎皇考臨御以至朕躬能容此等奏事太監乎此在外人或未盡知張廷玉在軍機處行走數十年甯不知之而欲以此委過於不足比數之小臣大臣居心豈當出此乎及遇皇長子之喪甫過初祭卽請回南於君臣大義及平日編傳恩誥忽然不以動心其意不過以志願已遂更無可圖惟以歸榮故鄉爲急人臣如此存心於國家無幾微繫屬依戀國家安得有此臣也夫遭皇長子之喪追不及待欲歸故里在張廷玉則爲悖於大義在朕視之仍屬小節朕非因小節而督責去位之大臣然小節如此又安望其臨大事而能竭力致身乎在張廷玉老邁歸田豈更望其出力而我大清國億萬斯年君臣一體休戚相維之誼所關甚大不可不剴切明示以正名教之大閑且張廷玉去志本不始於今日當有訥親時伊卽屢在伊前懇懇代奏訥親不敢明爲奏請而時時流露其意彼時張廷玉尙未罷職豈一二年亦不能待而營營思退者蓋自揣志不能逞門生親戚之素相厚者不能遂其推薦扶植之私所積貲產又已足贍身家是以伊十餘年來僅以旅進旅退容默保位爲得計及一一獲滿所願輒圖遠引朕向之曲示優容者則以皇考所貽卽古器亦加珍惜何況舊臣然亦以其原無大過耳今既獲戾種種實乃得皇考無可復加原有適因伍齡安之奏聞配享功臣名單益見其不可濫邀是乃天理昭彰不容倖竊非分朕雖欲屈公議以全初念亦有所不能也况配享大典不但酬庸實以示勸在朕初無成心鄂爾泰張廷玉同奉配享之詔鄂爾泰在生時朕屢降旨訓飭較之張廷玉尙爲嚴切此亦在廷所共知然以大節不虧始終克全自應叨榮勿替而張廷玉居心行事如此若仍令濫膺爵食誠不足以服公論不足爲天下

後世臣工之勸卽朕亦何以仰對 皇考在天之靈著照大學士九卿所議罷其配享至朕於殯廷玉已格外加恩所議革去大學

士職銜之處仍著寬免並將前後情節詳諭內外臣工知之○己亥調憲中爲吏部右侍郎

由盛京兵部侍郎調

五月甲辰諭貝勒貝子俱隸禁城騎馬○丙午諭軍機大臣等傳清拉布敦所奏珠爾默特那木扎勒見經奏明前往薩哈地方有調動部兵搬運礮位等情形看來珠爾默特那木扎勒或因伊兄雖死其所屬頭人部眾不能帖服前往辦理其調兵動眾不過自爲防範或因伊兄弟構釁慮朕有問罪之舉伊等小見意謂離其巢穴可以苟延俱未可定總以心懷疑畏見自去冬以來傳清甫擬紀山拉布敦又往同駐頻遣大臣到彼恐將伊王爵革除擒擊治罪種種猜疑是以作此行徑朕去年加恩賞賚及允伊與青海親王聯姻前後恩旨實足以釋彼之疑想尙未到期經奉到自必嗟然喜出望外不復懷疑矣若謂其別有異謀則不必慮從來有異謀者非有所貪圖希冀於所不當得則必禍患迫身出於不得已以珠爾默特那木扎勒言之伊身爲藏王操生殺而擅富貴俸賜所頒貿易所入歲獲重寶而且倚藉中朝聲勢眾蒙古皆與往來可得厚利伊更何所貪圖希冀若叛去則全無所得伊何所利而反耶至伊遠在天末雖有大臣往駐並不監制其行爲分奪其聲勢伊又有何拘束困苦而以逆謀自救耶利無可圖害無可避而謂其將有異謀誠過慮也且使果有異謀則西藏伊所駐紮何不據此舉事而轉至薩哈欲何爲耶此其有無俱可勿論至其性情乖張則所謂父不能得之於子者在朝大臣可制其進退予奪之大命尙不能使之一一守法奉公何論其本屬外藩地居極遠是豈教化法令之所能施卽如從前以五百兵駐藏何足禦侮况已經撤還若更令重駐彼第以五千之眾應之勢必不敵將見番屬騷然兵民俱困天討未伸卽內地不勝其擾以此觀之惟當鎮靜持重聽其自行自止在我本無加罪之意在彼自不存致疑之端傳清拉布敦當領會此意並不必有心禁令其釋疑轉多一番糾擾且靜以待之俟其同藏時情形若何再行奏聞前經降旨著班第往換拉布敦未免過速亦足致疑今已召紀山來京陛見面詢情形再令前往青海班第俟紀山到後往藏約計到藏當在冬間彼時珠爾默特那木扎勒當已深知天朝德意積疑冰釋矣將此詳悉傳諭傳清拉布敦知之○丁未諭原任宗人府府丞劉藻因聞皇長子定安親王之事來京面請朕安並請赴皇長子喪次叩謁劉藻係母老奏明在籍終養之員離京十有餘里卽具奏差人請安未爲失禮而伊於 孝賢皇后大喪及此番皇長子喪事俱親赴闕廷深知君臣一體休戚相關之大義伊在上書房行走纔及數年尙有不忍忽然之誼以視張廷玉之身爲第一大臣自朕在書房卽侍講讀繼又爲皇長子師傅行走至三十年之久而漠然惟知自便者與之並較其相去何如也豈無可觀親者則總忘休戚之情而匪懈君上者必盡出希冀之念乎張廷玉聞之其知愧否乎劉藻曾任內閣學士緣事降補仍給予內閣學士兼禮部侍郎原銜伊親年老在堂需人侍奉天氣亦漸炎熱著賞給伊母人漢一斤劉藻著卽行回籍終養○戊申命江南再截留漕糧五萬石備糶○庚戌 上詣 黑龍潭祈雨○辛亥諭 壽皇殿恭奉 皇祖聖祖仁皇帝 皇考世宗憲皇帝聖容朕以時躬詣行禮愷見優閑得申違事之悃仰惟 太祖 太宗 世祖聖

十月東幸錄 卷三十一

容 列后聖容向於體仁閣奉尊藏未幾修殿時展謁之禮粵稽前代安奉神御或於宮中別殿或於寺觀淨宇本無定所國家緣情立制宜極明備周詳敬念 列祖創垂顯承斯在永懷 先澤瞻仰常新式衷 廟祫之儀期協家庭之制應卽於 壽皇殿增修丹牓恭迎 列祖 列后聖容敬謹奉安於歲朝合請懺供肅將祿獻以昭誠懇所有應行典禮著內閣大學士會同內務府王大臣等詳悉具議以聞尋議恭查 太廟時享祫祭俱用太牢遵豆 奉先殿前殿朔望用遵豆 後殿節令用果供今 壽皇殿 聖容恭懸恭收之日請如 奉先殿後殿節令例致祭大祭日如 奉先殿前殿朔望例致祭遵豆用陶每歲除夕內監詣 壽皇殿恭請 聖容恭懸每案供乾鮮果品十二羊豕內二清醬一爵三上香行禮元旦大祭獻遵豆上香行禮作樂獻帛爵不樂舞不讀祝初二日如除夕供上香行禮畢恭收 聖容卽 殿尊藏元旦詣 堂子 奉先殿行禮畢詣 壽皇殿王公隨行禮內務府前期奏請除夕初二日 皇子輪班行禮掌儀司前期請樂章用 奉先殿前殿朔望樂章掌儀司太監豫習上元節每日供饌饌案如常儀秋季開際 聖容宮殿監督領侍等派內監執事祭日司香司帛司爵陳設祭品樂器贊禮典儀司樂掌儀司贊禮郎執事如儀從之○諭各省督撫參劾不職屬員或請革職休致或請降補改教皆地方公署並非應行密辦之事理當繕本具題方合體制近來督撫有先具摺奏聞聲明另疏題參者尙屬可行而亦竟有以摺奏代具題者究於體制未協所有摺奏之違泰等已傳旨申飭著通行各省督撫凡遇此等參奏摺用題本以昭慎重再向例各省參案除特參貪酷等項實屬等犯一面具題一面摘印看守至其餘降革休致改教之員必俟部覆允行方令離任此等人員既昏惰無能留一日即多誤一日之事理應卽令離任另委賢員速爲整頓方於地方有益且自該督撫出本以後該員卽已豫知不可保全而幸其印猶在手持往往乘機舞弊卽瑣細無關緊要如田房稅契之類或本人或子弟或吏役以及素相往來之紳衿俱於印官將去未去之時恣意妄行及至部覆到日近者亦必二三月遠者或至半載以外此數月中何事不可爲卽丁憂人員尙有隱匿遲報者豈可任其闕缺督私殊非激敘官方整理民社之意嗣後各督撫於屬員有題請革職或勒令休致另行降補改用教職以及丁憂告病類應離任者一面具題一面卽行委員收取印信署事並將任內經手錢糧一一清查無得瞻徇著爲令○命刑部清理庶獄減徒以下罪直隸亦如之○王士禛歸宣光爲內閣學士起彭啓豐爲吏部左侍郎 原任鴻臚寺右侍郎 ○癸丑諭入夏以來京畿雨澤未能霑足乃者十七日望月食既雖春秋不書月食未爲災異然垂象示儆惟應省愆修政以期仰格天心九卿科道等其直陳闕失毋隱○以世臣爲盛京兵部侍郎 由內閣學士遷 ○己未諭熊學鵬奏上年秋審判決較前數年覺多近年臣工條奏更改刑名律例大槩多尙嚴厲請密降旨曉示內外臣工辦理一切刑名不可刻覈相尙條奏增設科條者業行禁止等語熊學鵬此奏甚屬悖謬上年秋審判決之時經朕詳悉裁審其中如侵食各犯蠲國殃民實乃法所不宥若止虛擬罪名槩從緩決則流風相煽愈積愈多爲吏治之大害不可不稍爲補救若謂因此而致雨澤愆期遂乃恣貪官汙吏之所爲一切置之不問徒使貪穢成風千百輩肆意婪肥身并法網更復幸災樂禍冀雨暘不時以爲

倖免之計適足以干天怒而召災沴豈得轉以此爲修省之要務乎京師地居燕朔春夏自來少雨而幅員既廣則天災流行亦所時有然朕宵旰焦勞當未降旨求言之先已寢食靡甯所望在廷臣工共思政治之實有關失處同心一德力圖修治若以辦理侵貪等案爲失之過嚴則前此未辦之時何以向年屢事祈禱且御極之初則共知爲諸事從寬者又何以水旱偏災各省亦時時入告而京師則自元年以至於今無一年不於春夏之交朕焦勞望雨或密禱禁庭或明頒諭旨即目今外省如河南山東麥既有秋江浙等省春花俱獲豐稔覓見在雨澤勻調獨非共在版圖之內朕所臨御者乎能學鵬雖爲此謬論朕慎持政柄必不爲浮言所動果使貪風未卽悔改無論京師一隅一時偶值雨未霑足設令更甚於此亦不因一時災祲而於立政之大經御世之大法廢而不舉遑遑徇人爲此姑息之政惟有斷之以理法在必行仍照上年辦理耳至內外閭閻衙門在朕初年或不免有意從寬而謂近年來專以刻覈相尚則可保其必無卽言官及外省臬司條奏律例或比擬失當經部臣議駁者不一而足以此時刑獄而尙以爲過嚴信爲罔知輕重之尤者矣當御極之初如從寬好名之習不能去諸懷然元年二年之間亦何嘗不早比年閱事既多深知爲治必出於大公至正斯久而無弊方日進臣工而申明懲惡之當戒顧肯躬自蹈之乎然十五年來無時不以敬 天法 祖爲心無時不以勤政愛民爲念無時不思得賢才以共圖政理此可無慚矣影者人苦不自知惟工作過多巡幸時舉二事朕側身內省時耿耿於懷在 園丘 方澤諸壇暨 壽皇殿皆歲久應行修整西山添建兵房亦非無益之費畿輔行宮不過修葺舊有且較安營爲更省而公費足贍貧民供役無勞民力至巡幸則 聖祖時歲凡數出不特稽古省方用彰盛典良亦我國家習勞之舊制雍正四年 皇考會降 旨以武備不可廢弛官弁不可怠惰爲戒然十三年中未經舉行八旗人員於扈從行圍諸事一切生疏近年稍覺嫻熟亦事之不可不行者且以吏治言之直隸較優於外省豈非常經巡省之明效乎然每一念及尙覺欲然於心從前劉藻嘗以工作進諫是以朕至今心違其人至飢法縱奸思以感召休和如熊學鵬所云者直轄論耳本宜議處但朕旣降旨求言熊學鵬卽識見迂謬姑從寬勿問特詳悉訓示令中外諸臣共知明刑弼教不可爲貪吏開倖生之路其有游談附和者必從重治罪熊學鵬搢並發○論軍機大臣等據蘇昌奏稱該省從前風氣地方吏治雖不至於廢弛不免失之寬緩寬則縱恣易起無以儆惕人心緩則弊竇漸生無以肅清政務臣豈敢欲速苛求而寬縱圍茸之風不可不除等語從來後任營議前任之短及爲伊後任營議亦復如前此外省銅習竟成故套然以碩色岳藩二人言之則其性情謹慎有餘而辦理地方諸事誠有流於寬縱之失蘇昌所論頗爲切中其弊今伊二人又同事滇南滇南民風醇樸事務本屬簡少更非粵省嶺海交錯習俗澆漓者比但係邊方遠處天末亦須隨時整飭不可一味因循遂致疲玩懈弛日甚一日此則封疆大吏所當深戒也自朕觀之整飭之道不在多設科條煩擾百姓如柳宗元所云日擊鼓號召其民轉致饕餮不暇惟在督察屬員令其以見在應行之事因地制宜一一實力行之百姓自需實惠一邑得人則一邑治一郡得人則一郡治爲督撫者慎持綱紀廣諮諏而審觀聽聞章怠事者必不姑容如此則政有經而民不

擾較之徒事虛文無裨實效者相去遠矣不獨滇省卽在京在外無不皆然著傳諭碩色岳潛令知此意不得因議者善其寬縱意圖改絃易轍又致急遽煩苛亦不得專務息事甯人之名而不留意於釐奸剔弊昧明作有功之大道也○辛酉諭御史錢琦奏總督黃廷桂授意州縣逢迎嚮導一摺據稱鋪設備極華靡器用備極精緻多者用至千餘金少亦五六百金等語御史職在風聞言事卽事之虛實尙難懸定而一有見聞卽以入告亦分所當然但所稱浮費多金並慮及將來該州縣等身家性命莫能自保則言之不免過當地方有司因朕南巡其中有闕茸不堪之員以辦差爲苦者或散布流言張大其事勢所必有卽如巡撫準泰參奏鄰城令王植捏病求去狡詐避差其明驗也山東經過之處耳尙且如此何況江南今嚮導一過卽云慘淡經營若此明年朕親臨又當如何朕甫下詔南巡卽已若此當年 皇祖聖祖仁皇帝屢經巡省又當如何且周旋嚮導所費如許浩繁將係嚮導在途揮霍乎抑係歸裝滿載乎朕召對各大臣及該御史面詢嚮導兆惠據稱途次並未一進公館實之侍郎彭豐亦云來自江南目擊無異是其出自傳聞已可槩見但言官既有此奏自當確查虛實毋致奉行不善然如錢琦所請交黃廷桂回奏將來又有論其自行迴護者矣著將此摺鈔錄交與巡撫雅爾哈善將摺內情形逐一詳悉查明據實具奏所有百姓千總差往丹陽索銀誑裏之處亦著實訊奏聞此外如有地方不肖之員造作浮言希圖聳聽挾私心以撓公務者著一件嚴查究治至摺內稱直督方觀承勞民妨農辦理地方不甚妥協一節因該督循照從前御史沈芳條奏舊例撥夫歲修亘鄉涿州等處大路以便行旅學士世臣奉差路過誤謂先期平治御道遂以入奏經朕降旨查明將歲修停止令就低窪殘缺之處隨時酌辦且給工不專民力興作必俟冬旬辦理見已悉協無可復論奏中更請於明歲回鑾之後差親信大臣清查虧空蓋恐如榮大成賊根窩之事豈江南州縣皆榮大成賊根窩之流乎使果有之該督撫亦無不參之理而瑣細周防成何政體此事不可行○諭御史歐堪善奏梁詩正一摺朕召軍機大臣吏部堂官掌院學士及該御史面加詢問內如高山原係梁詩正房師至帶領引見吏部止據投供人員依次擬缺大學士公傳恆因在軍機處承旨知其見在直隸修城而該司以修城無案可稽部選自遵成例軍機處知其修城本部無由而知因卽帶領引見單內夾片聲明則高山之引見道缺係該堂官公同辦理俱亦同聲共證其不出於梁詩正一人瞻徇師生情分不待辨矣保舉金烈一事亦該堂官公同商辦其不由科甲與例不符合於摺內聲明而梁詩正並將不合何之處先期商之大學士公傳恆及詢歐堪善以金烈是否另有實緣梁詩正形迹令其回奏據稱亦無可指此二款雖有師生同鄉之嫌初無曖昧徇私賄賂堪善據事上聞其中辦理曲折無由深知已經面爲剖悉足服其心至姚範陳兆崙列入京察一等則姚範人本平常不堪超卓之選前於引見考試人員時令其休致梁詩正謂其人開戶讀書詞臣中閉戶讀書者不少豈能盡列一等陳兆崙前次京察一等見今充條丁豈並不在京供職卽不人之下等亦不當過於從優此則梁詩正不無徇徇其翰林輪班引見臨期越次更換若不過一二員或因偶爾適疾亦事之所有若如歐堪善奏摺內所指慶鴻章出科聯又面奏路斯道莊有信湯大紳則已有五員此中不

無高下其手著傳廖鴻章等問明更換緣由是否出之樂詩正之意另行降旨交部察議梁詩正協辦關務專領銓曹其供職內廷不過筆墨之事初非格外加之寵任若謂其招權納賄植黨營私則是伊福薄不能承受恩典矣且朕何如至而大臣能恣行其胸臆乎至小小臆怖情面則不獨梁詩正舉朝大臣恐俱未能盡絕且如張廷玉掌院幾三十年似此撓越更換引見之事不知凡幾何以並無一人參奏然則有其事亦復何關政治在梁詩正有此一二可議即被參奏得以知所儆省未始非福歐堪善之言當以爲感而不當以爲怨也朕因修省求言今日歐堪善錢琦二人所奏初不切於修省之要務何則假令其言盡實亦應早入告不應待之此日者但伊等答就所見據實直陳尙爲留心職掌不失言官封事之體非援引陳竊空言塞責者比著傳諭中外臣工知之○諭我朝創制國書分十二字頭簡而能該用之無所不備而音韻元得天地之元聲惟是漢人初學清字者辨字審音每借漢字音註以便記誦而漢字不能悉協不得已更從俗音以意牽合未經校正畫一將恐久而益差開寶讀漢字金史其用漢字音註國語者本音幾不可曉諦尋之則原清語所常習又如元史之達魯花赤以今蒙古音譯之當爲達魯噶齊不華當爲補哈此類未易致舉在史氏或以己意爲音或出於當時承習蓋由以漢字而註清語蒙古語既非本字又無一定是以爲復傳講以此知官爲校定之不可以已也夫一天也國書謂之阿補喀蒙古謂之騰格哩西番則謂之納穆卡至國書之騰格哩則漢語所謂絃子耳又如知一日也國書謂之舜漢文謂之日蒙古謂之納蘭西番謂之尼嗎又如國語呼爾者其音爲西而西方則稱幹呼基此在兼通清漢文者無所疑義而通清不通漢者但知西之爲爾通漢不通清者但知西之爲西而語之以幹呼基且不知爲何物矣蓋凡物之命名本屬後起爾雅釋名方言土訓莫可殫述皆假耳目若夫以漢字註清文實假象中之假象而必執此以較是非定高下實妄說此特私心妄見耳爰命大學士傅恆率同儒臣重定十二字頭音訓開章六字則用直音如阿額伊鄂烏誇餘用三字合音如納喀尼爾烏誇其餘十一字頭首六字用一字合音如衣衣衣衣衣衣衣衣以下俱用三字合音如衣衣衣衣衣衣衣衣以分輕重緩急而國書之元聲略可得梗槩是不過同文之一端無關與義然習之於童蒙之始有不容忽者用示其義傳示久遠俾知所法守焉○命領駙濟子吹濟多爾濟在阿哥書房讀書○壬戌諭御史歐堪善所奏梁詩正一摺昨經召見軍機大臣吏部堂官掌院學士及該御史面降諭旨虛衷剴悉務得情理之平合該御史中心允服並無偏向梁詩正之意此諸臣所共知也摺內金烈高山二事係吏部堂官公同辦理非由梁詩正一人其京察列爲一等之姚範陳兆崙則係辦理錯誤姚範已令休致陳兆崙見在丁憂乃因上次京察原列一等此番仍照前填註亦係向來習套其有無贓徇止於輪班引見一事查明是否擢越調換可得實情如果實有私弊則姚範陳兆崙之列入一等亦爲有意瞻徇今經軍機大臣查詢該御史所奏本月初十日應帶輪班翰林內路斯道一員本日原已引見其廖鴻章出科聯莊有信湯大紳則係第一班已經引見之員所奏調換之蔣元益是日又並未引見是梁詩正並無徇私更換之處已屬顯然在該御史一聞廖鴻章出科聯之言不及查考此亦風聞言事之常如必將辦理曲折備細周知然後入告則幾

無可言之事矣。時正既無瞻徇，無容察議。嗟堪善，雖得自傳聞，而事屬有因，並非誣捏，亦無庸置議。其廖鴻章出科聯案，以己意揣度，謂其更換引見，不無騰其口說，歸怨掌院之意。其素日之不能安靜守分，可知著交部察議。近日朕望兩心殷夙夜，焦勞側身，修省大臣等日經召對，自所共信。御史為朝廷耳目，凡有見聞，原當隨時入告，不必待行求言之旨。若為修省進言，則如近日所奏，豈足以裨補闕失，感召天和，徒煩朕於乾惕靡寧之中，一一詳為剖示，在朕雖無厭意之心，而諸臣亦可謂不知體要矣。數日前學士世臣補授盛京兵部侍郎，伊曾以良鄉等處除道妨農一事入奏，建言者或疑其因此擢用，遂相率紛紛而至。由此觀之，是仍為己躁進之念重，而愛君憂國之念輕，亦不可不知內省也。至大臣等招權植黨之事，可以信其必無，設或有之，朕亦豈能姑容如古所稱，烹宏羊，天乃雨之說。此時本無其事，若於同鄉師生情面遇事稍為瞻徇，似亦不能盡絕。此雖無傷大體，然身為大臣者，必當以秉公持己自勉，使人無取指方不愧清白自矢之節。苟其有干物議，即係平日不能深信於人，朕故謂此奏雖虛，未始非樂詩正之福。且凡為大臣者，因此而砥礪愈彰，倍加自檢，則歐堪善之奏亦未必無小補耳。若謂濟時要務，豈足當之並論，中外知朕意焉。○乙丑鍾照因病解任，以楊廷璋為廣西按察使。○丁卯以赫林為內閣學士。由光祿寺卿遷○戊辰上詣黑龍潭祈雨。○庚午諭國家政事宜從實而不事虛文。向來題奏事件有拘於舊套，昌而不察者，如參劾屬員本內必稱正在繕疏，聞據兩司道府揭報前來與臣訪聞無異云云。蓋由失察屬員例有處分，惟聲明揭報可邀免議，是以遂成印板通套，而不知即虛誕詐偽之較著者，夫屬員劣款有得自督撫訪問者，有出自兩司或該道府州揭報者，有督撫訪問有機聲交司道府州查訪實蹟者，情形原自不同。參疏中據實上聞，何所不可。若謂一面繕疏一面揭報，適相符合，或千百中偶有一二妄得事如此，則何不直言其訪問所自，而必相率而為偽耶。且由此益可見該府及直隸州之稱職與不稱職，蓋一府一州屬員雖多，而切近相臨耳目難掩，且賊私聚，繁必非要取於旬日之間，設令入與共事，毫無覺察，或屬員多容貪吏而一一待督撫訪問，交令查察，不待問而知該府州之闕茸無能矣。更或平日有心徇庇，督撫交查尚為之彌縫掩覆，及至勢難挽回，始不得已具揭申報，在督撫亦必窺見展裏，即當隨本附參，不可顧預了事。令其脫然事外，如使督撫密令查察，即行據實詳查，或於訪問之外另得其實在劣蹟，是不得謂之徇庇。若仍追咎其前此失察之過，則為牧守者不亦難乎。夫察吏之道，必明是非，覈功過，以為舉錯之衡，方足以服人心而肅功令。嗣後督撫參劾屬員侵蝕錢糧及因事納賄者，其發覺緣由或何人詳揭，或自己訪問，或係密交何人查辦，據實聲明，不得沿襲故套，即如循舊治所，參全椒縣知縣王宗洛各款，其滁州直隸州知州朱懷曾否揭報，王宗洛婪贓各案，是否任內俱應據實查明，如該牧蒞任未久，即能查出，則為留心察屬之員，其前任亦應查明交議一併諭令知之。

六月壬申朔上幸靜宜園閱健銳營兵。○甲戌命驅逐多倫諾爾，肅清流民，禁蒙古與民人為婚。○丙子諭軍機大臣等，額駙凌為國家竭誠實力，是以皇考加恩封至親王，授以定邊左副將軍重任，額駙謀勇之名，肅夷莫不懾伏。訓兵飭備，使喀爾喀。